



AVSPICE CHRISTO

S. M. V. P.

DECRETO AM-
PLISSIMI ORDINIS IV-
RIDICI, IN ACADEMIA
HEIDELBERGENSI CELE-
berrima,

PRAESIDE D. VALENTINO
FORSTERO IVRECONSULTO PRAECLA-
riss. eiusdem Ordinis DECANO spectatissimo &
Præceptore optimè merito

PRO CONSEQUENDIS IN VTROQUE IV-
re Doctoratus insignijs

MATERIAM

DE PRIVILEGIIS CREDITORVM,
vtilem & controuersam, publicè defenden-
dam suscepi

BENIAMIN TILESIVS MVLHVSINVS
THVRINGVS

IN SCHOLA IVRECONSULTORVM IV. NON. DECEMB.
horis antemeridianis.



HEIDELBERGAE EXCVDEBAT
IOHANNES SPIES.

M. D. LXXXIIII.

362.

1584,2

2/

MAGNIFICIS DOMI-
NIS CONSVLIBVS,

SENATORIQVE ORDINIS
AMPLISSIMI VIRIS PRVDENTIS-
SIMIS,

IMPERIALIS CIVITATIS MVLHV-
SINÆ MODERATORIBVS,

DOMINIS SVIS OFFICIOSE
colendis,

HAS DISPVTTATIONIS PVBLI-
CAE CONCLVSIONES,


IN ANIMI, GRATI SVÆQVE ERGA ILLOS OBSER-
uantia, testificationem,

HEIDELBERGA' MITTIT
ET D. D.

BENIAMIN TILESIVS EIVSDEM
Reipub: Ciuis.



PRAEFATIO.

 Vm bona debitoris veneunt, quia fortè ea ad integram æris alieni exolutionem non sufficiunt, solet inter creditores *περὶ πρωτοπραξίας* oriri controuersia, alijs alias suæ prærogatiuæ causas prætendentibus: De his itaque pro Iuridicæ Facultatis decreto paucis Conclusionibus agemus.

CONCLUSIO I.

Initiò verò eorum creditorum, qui de dominio rerum suarum satagunt, ante alios omnes rationem habendam esse concludimus.

II.

Vnde eum qui rem suam apud aliquem deposuit, in care, si adhuc extat, ante Priuilegia futurum Vlp. respondit.

III.

Et in rebus commodatis, alijsq; vendicationi obnoxijis, venditis item & necdum traditis, aut translatis mercibus, idem obtinere iuris rationes euincunt: Et verum est.

IV.

Quod in fructibus rerum possessorum extantibus, affirmare quoque non dubitamus.

V.

PROXIMI sunt, quibus prospectum est de pignore: siue conuentionale illud sit siue Legale, Prætorium, Iudiciale.

VI.

Atque hi non tantùm Chirographarijs creditotibus

A 3

sed

sed etiam Priuilegijs omnibus, quæ personalibus actionibus competunt, præferuntur.

VII.

Inter ipsos autem solos, temporis Priuilegium attenditur, vt potior sit in iure qui tempore reliquos præuenit.

VIII.

Quod in pignore Iudiciali, contra iuris dispositionem, vt putamus, multi negârunt.

IX.

In prætorio verò, simpliciter affirmandum duxerunt: cùm tamen, si omnes eiusdem tituli sint Creditores, modis omnibus negandum foret.

X.

Aliàs, cui aut quomodo pignus constitutum sit, quò ad hanc temporis prærogatiuam, regulariter nihil interest.

XI.

Nam & qui prius cum debitore Fisci contraxit, pignusque accepit, Fisco sicut & Reip, postea cùm eodem contractibus, præfertur.

XII.

Quanquam in eo, quod post contractum cum Fisco negotium quæsitum est, priuatus anterior, nisi & is Priuilegarius sit, postponatur.

XIII.

Illud hîc quæri solet? An cui specialiter fundus & vniuersa bona generaliter obligata sunt, cùm ex illo fundo debitum suum redigere possit, ei cui postea ex his aliquid oppignoratam est, in hac ipsa re præferendus sit? Et, ne posteriori ius suum

suum auferatur, iurisdictionem temperandam esse Imp. rescripserunt.

XIV.

Etiam hoc controuersum est: Vtrum qui sub conditione contraxit & pignus accepit, ea quandoque existente, illo qui pendente conditione vtramque fecit, prior potiorque habeatur? Quod verum est, si talis sit conditio, quæ inuito debito. re adimpleri potest.

XV.

PORRO, dimissis hypothecarijs succedunt Priuilegiarijs, quos Leges Ciuiles, nunc ad Personarum conditiones, nunc ad ipsam crediti causam respicientes, Chirographarijs quoque praefereudos censuerunt.

XVI.

Qui interdum ipsis etiam hypothecarijs, quamuis anterioribus praepouuntur: fitque ferè tum, quando hæc personalia Priuilegia, cum beneficio reali taciti vel expressi pignoris cumulantur.

XVII.

Hinc tacitam mulieris hypothecam in persecutione dotis, eiusque augmenti, omnibus etiam expressam habentibus anteriorem, praefereendam esse Iustiniano visum est, & Cam: Imp. statuit.

XVIII.

Fauore quoque Pupilli receptum, vt in rebus ipsius pecunià comparatis, ius praelationis habeat. Quod ad minorem quoque rectè extenditur.

XIX.

An idem sit in re, pecunià vxoris, Fisci, Ecclesiæ redempta: certant Interpp. Nos negatiuam tuebimur.

XX.

Causæ tribuitur, vt qui ad reficiendam, aut conseruandam rem puta nauem, nominatim crediderunt, vnde & res refecta est, si eam pignori acceperint, priores in ea præuertant.

XXI.

Id quod in eo etiam, cuius pecunia res emta & statim specialiter obligata est, æquum visum est.

XXII.

Coeterum, quis cui ex hoc Creditorum ordine præferatur, si Legibus expressè nihil inueniatur cautum, ex causa æstimandum erit: sic tamen vt in pari causâ concurrentis hypothecæ prioritas spectetur.

XXIII

Solos Creditores, qui emendæ militiæ causa in scriptis crediderunt marito, caueruntque de pignore, in ea causa esse placuit, vt his mulier, etsi posteriores sint, non præferatur.

XXIIII.

Funerum quoque impensas omne creditum, quauis securitate pignoris munitum, præcedere debere Bartolo astipulamur.

XXV.

Vtrum verò hæc Priuilegia personalia ad suos hæredes transeant, commodè quæri potest: Nobis affirmantium sententia probabilior videtur.

XXVI.

QVIus merè personale habent creditores chirographarij, si eiusdem tituli sunt, æqualiter admittuntur, licet diuersitates temporis in his fuerint.

Sanè

XXVII.

Sanè, si quis sibi vigilauerit suumque consecutus sit, nihil ab eo repeti potest.

XXVIII.

Quod verò bonis possessis, motaque ab omnibus instantià, receptum fuerit, in portionem vocandum, cæterisque creditoribus exæquandum erit.

XXIX.

Cùm factum in obligatione versatur, locatore ad præstandum parato, conuenit priori conductori antè satisfieri.

XXX.

Ad extremum: Auctarij loco subijcio: Bona feudalia, inuito Domino, à quouis Creditore, qui suum consequi aliter non potest, ex causa iudicati capi, & fructuum percipiendorum gratia ad vitam vasalli teneri posse.

F I N I S.



2.
... ..

XXVIII

... ..
... ..
... ..

XXIX

... ..
... ..

XXX

... ..
... ..
... ..
... ..

F I N I S



1077

ULB Halle
003 252 035

3



Sb.







362

15842

2

CHRISTO

V. P.

TO AM-

RDINIS IV.

CADEMIA

ENSI CELE-

VALENTINO

NSVLTO PRAECLA-

ANO spectatissimo &
imè merito

IN VTROQUE IV-

insignijs

I A M

CREDITORVM,

publicè defenden-

epi

S. MVLHVSINVS

IGVS

VRVM IV. NON. DECEMB.

ditans.



EXCVDEBAT

SPIES.

XXIIII.